

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11, JIB 420068970001; Carinski broj 200068970001
RAČUN: 3387302205238447, UniCredit banka d.d. Mostar, BIH

Vrsta dok.	Izdavač	RB
DOP	5 01	1809

Strana:
1 od 1

Broj protokola: 05-1-25-1-1476-21/23

JAVNO

DATUM: 17.04.2023. godine**PRIMALAC:**

- WOLF MEDIA d.o.o. Sarajevo
- BESOCIAL d.o.o. Sarajevo
- SMARTLAB d.o.o. Sarajevo

PREDMET: Obavijest o poništenju postupka nabavke usluge:
Rebrandiranje i izrada web stranice**VEZA:** Naš broj: 1476/23

Poštovani,

obavještavamo vas da je, nakon okončane procedure prikupljanja ponuda za nabavku usluge: Rebrandiranje i izrada web stranice, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, predmetni postupak nabavke poništen, s obzirom da nijedna od dostavljenih ponuda nije formalno-pravna ispravna i prihvatljiva za J.P. Međunarodni aerodrom "SARAJEVO" d.o.o. Sarajevo.

S poštovanjem,



Prilog: Odluka o poništenju postupka;

DOSTAVLJENO:

1. Naslovu
2. Sektoru za administrativnu podršku
3. a/a



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba	/	/



UPRAVA	Strana: 1 od 2
Broj protokola: 05-1-25-1-1476-20/23	JAVNO

Datum: 17.04.2023. god.

Na osnovu člana 45. Statuta J.P. Međunarodni aerodrom "SARAJEVO" d.o.o. Sarajevo i člana 47. stav (1) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, Uprava J.P. Međunarodni aerodrom "SARAJEVO" d.o.o. Sarajevo, postupajući po Izvještaju i preporuci Komisije za provođenje postupka nabavke usluge: Rebrendiranje i izrada web stranice, broj: 05-3-25-1-1476-19/23 od 12.04.2023. godine, na 130. sjednici, održanoj dana 17.04.2023.godine, donijela je

ODLUKU

I

Poništava se postupak nabavke usluge: Rebrendiranje i izrada web stranice, proveden metodom nabavke Javni poziv, jer nijedna dostavljena ponuda nije formalno-pravno ispravna.

Postupak nabavke usluge iz prednjeg stava ima se ponoviti, i to istim metodom nabavke – Javni poziv.

II

Ova Odluka stupa na snagu danom donošenja.

Obrazloženje

Postupajući u skladu sa članom 8. stav (1) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, a u cilju izbora najpovoljnije ponude za nabavku usluge: Rebrendiranje i izrada web stranice, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-1-25-1-1476-3/23 od 24.03.2023. god., a Rješenjem o imenovanju Komisije, broj: 05-1-25-1-1476-6/23 od 30.03.2023. god., imenovao je Komisiju za provođenje postupka nabavke.

U skladu sa članom 21. Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo Naručilac je objavio tendersku dokumentaciju u ovom postupku na web stranici J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) i utvrdio rok za predaju ponuda. Do ostavljenog roka za predaju ponuda, 10.04.2023. god., na adresu Naručioca dostavljene su tri ponude i to: WOLF MEDIA d.o.o. Sarajevo, BESOCIAL d.o.o. Sarajevo i SMARTLAB d.o.o. Sarajevo. Na javnom otvaranju ponuda, održanom istog dana u 12,30 sati, uz porisustvo predstavnika ponuđača WOLF MEDIA d.o.o. Sarajevo pročitana je naziv ponuđača i ponuđene cijene ponuda (WOLF MEDIA d.o.o. Sarajevo – 39.200,00 KM; BESOCIAL d.o.o. Sarajevo – 49.790,00 KM i SMARTLAB d.o.o. Sarajevo – 40.000,00 KM, sve bez PDV-a.

Nakon otvaranja ponude, Komisija je pristupila analizi formalno-pravne, tehničke i računске ispravnosti, te je utvrdila da nijedna ponuda nije formalno-pravno ispravna. Naime, prilikom detaljnog pregleda ponuda konstatovano je sljedeće:

WOLF MEDIA d.o.o. Sarajevo

Prilikom pregleda ponude Komisija je utvrdila više nedostataka u ponudi ponuđača. Naime, tenderskom dokumentacijom u tački 5.2 pod e) je zahtijevano od ponuđača da popuni, potpiše i ovjeri Nacrt ugovora. Međutim, ponuđač je u Nacrtu ugovora popunio samo preambulu, dok je ostatak Nacrta (čl. 1. i 3.) ostao nepopunjen. Nadalje, u tenderskoj dokumentaciji pod tačkom 4.4.2 pod a) traži se potvrda o dobro izvršenom poslu *usluga upravljanja promjenama na internet platformama* godišnje vrijednosti ne manje od 15.000,00 KM. U potvrdi o dobro izvršenom ugovoru koja je dostavljena ponuđač navodi da je radio na sljedećim zadacima u sklopu realizovanog ugovora:

- detaljna analiza postojeće web stranice, sadržaja, dizajna, SEO optimizacije i pravljenje plana za realizaciju, novog dizajna i izrade nove web stranice;
- web dizajna i web development;
- SEO optimizacija;
- održavanje i ažuriranje web stranice;
- kreiranje i dizajn QR code naljepnicam te priprema za štampu,
- kreiranje audio-vizualnog i grafičkog materijala, te oglašavanje putem Google Display Network.

S obzirom da se *usluga upravljanja promjenama na internet platformama* odnosi, prije svega, na upravljanje, promociju, afirmaciju, monitoring i analizu društvenih mreža, iz dostavljene potvrde vidljivo je da da ponuđač ne posjeduje traženo iskustvo u realizaciji posla iste vrste.

Vrsta dok.	Izdavač
ODL	5-01
Strana: 2 od 2	
JAVNO	

BESOCIAL d.o.o. Sarajevo

Prilikom pregleda ponude Komisija je utvrdila da je ponuđač propustio dostaviti sljedeće dokumente:

- sadržaj ponude, koji je zahtijevan tačkom 5.2. tenderske dokumentacije.
- kopiju ponude u vidu scana na CD-u ili DVD-u, koja je zahtijevana tačkom 5.4 tenderske dokumentacije. Naime, ponuđač je dostavio kopiju ponude na USB mediju za pohranjivanje podataka, što nije u skladu sa tenderskim uslovima.
- kopiju liste osiguranika iz PIO/MIO za uposlenike u stalnom zaposlenju, kako je zahtijevano tačkom 4.4.2. pod b) - ponuđač je dostavio Obrazac JS3100E iz Federalnog ministarstva finansija.
- dinamički plan izvođenja usluge, koji je zahtijevan tačkom 5.2 tenderske dokumentacije.

Daljim uvidom u ponudu je utvrđeno da ponuđač nije na pravilan način popunio ANEKS III – Obrazac za cijenu ponude. Naime, ponuđač u navedenom Obrascu pod stavkom 3.1 *Awareness* nije upisao cijenu, nego samo kosu crtu, sa jasnom namjerom da cijena navedene usluge bude 0 KM. Međutim, u napomeni ispod Obrasca za cijenu ponude (str. 16 TD) navedeno je da se za svaku stavku mora navesti cijena, pa takav način popunjavanja istog ne može biti prihvaćen.

SMARTLAB d.o.o. Sarajevo

Prilikom pregleda ponude Komisija je utvrdila da je ponuđač propustio dostaviti sljedeće dokumente:

- izvod iz sudskog registra (original ili ovjerena kopija), koji je zahtijevan tačkom 4.2.1 pod a) tenderske dokumentacije.
- uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, koje je zahtijevano tačkom 4.1.2 pod a) tenderske dokumentacije.
- dinamički plan izvođenja usluge, koji je zahtijevan tačkom 5.2 tenderske dokumentacije.

Daljim uvidom je utvrđeno da ponuđač nije na pravilan način popunio Nacrt ugovora. Naime popunjena je samo preambula (str. 19 ponude), dok je ostatak Nacrta ugovora (čl. 1. i 3.) ostao nepopunjen.

Nadalje, kao dokaz da posjeduje stručno osoblje za izvršenje predmetne usluge (4.4.2. pod b) tenderske dokumentacije) ponuđač je bio dužan dostaviti kopiju liste osiguranika za uposlenike u stalnom zaposlenju, odnosno ovjerene kopije ugovora o djelu ili poslovno-tehničkoj saradnji za ostalo angažovano osoblje. Međutim, ponuđač je za radnike koji nisu u stalnom radnom odnosu dostavio ovjerene kopije ugovora o obavljanju privremenih i povremenih poslova, što nije u skladu sa tenderskim uslovima. Značajno je naglasiti da je vremensko trajanje navedenih ugovora ograničeno na 60 dana u toku jedne kalendarske godine (član 166. Zakona o radu), a da Faza 4 predmeta nabavke, koja je definisana u Projektnom zadatku, traje 8 mjeseci, te navedeni dokazi o posjedovanju stručnog osoblja ne mogu biti prihvaćeni.

S obzirom na naprijed navedeno, Komisija je u svom izvještaju Upravi Društva predložila da se sve ponude ocijene formalno-pravno neprihvatljivim, te da se postupak poništi i ponovi istim metodom.

Uprava Društva je na svojoj 130. sjednici, održanoj dana 17.04.2023. god., razmotrila dostavljeni izvještaj i preporuku Komisije, te je istu prihvatila, pa je, na osnovu člana 45. Statuta Društva i člana 47. stav (1) Pravilnika o nabavci roba, usluga i radova u Društvu, donijela Odluku kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Upravi Društva, i to u roku od 5 (pet) dana od dana prijema Odluke. Žalba se podnosi u pismenoj formi, na memorandumu podnosioca, sa svim elementima žalbe, potpisana od strane ovlaštenog lica i ovjeren pečatom podnosioca. Žalba se dostavlja skenirana na e-mail adresu Društva koja je navedena u TD ili direktno na Protokol Društva ili putem preporučene poštanske pošiljke.

DOSTAVLJENO:

1. Upravi Društva (orig.)
2. Ponuđačima
3. Sektoru za administrativnu podršku
 - Služba za komercijalne poslove (orig.)
 - Služba za pravne poslove i protokol
4. a/a.

